

UKARA KE TOSIN ISUA YE AKPATRE

UBIERIKPE

Eriyarare 20:1-15

QYQHQ UKPEP-ÑKPQ 465

Eke Ikpọ Owo

IKQ IBUOT: “Ndien mmọ eke Jehovah akafakde eyefiak edi ke Zion ekwọ ikwọ, nsinsi idaresit onyūn ayara mmọ ke ibuot: mbre ye idaresit eyesim mmọ, mfuho ye eseme eyefeñe” (Isaiah 35:10).

I Ukara Tosin Isua

- 1 Eboṣ Satan enim ke tosin isua, Eriyarare 20:1-3
- 2 Eyak mme ebekpo ye odudu enọ ndisana ikọt Abasi, Eriyarare 20:4; Psalm 149:6-9; Daniel 7:22; Matthew 19:28; Luke 19:17; 1 Ñwed Corinth 6:2; Eriyarare 1:6; 2:26, 27; 3:21; 5:10
- 3 Ikọt Abasi emi ekebede ke ukut emi ekesibede mmọ ibuot ke ntak Ikọ Abasi eset edu uwem enyūn ekara ye Christ, Eriyarare 20:4, 5; 6:9-11
- 4 Etiñ esọñ ubọñ emi mmọ emi edotde ndibuana ke akpa ediset edinyenede, Eriyarare 20:6; 1 Ñwed Corinth 15:22, 23; Ñwed Mbon Philippi 3:10, 11; 1 Ñwed Thessalonica 4:16; Mme Hebrew 11:35

II Akpatre Ubierikpe

- 1 Ekpọhọre Satan, enye onyūn abiaña ererimbot esin ke ekọñ; ekan enye enyūn eduok enye ke mkpọdiọhọ ikañ, Eriyarare 20:7-10
- 2 Akwa afia ebekpo ye Ebierikpe eke inua mikemeke nditiñ ewọrọ eda, Eriyarare 20:11
- 3 Eda mme akpa mkpa eken edi ke ikpe, Eriyarare 20:12, 13; Mme Hebrew 9:27; 2 Peter 2:9; 3:7
- 4 Eduok kpukpru owo eke mikewetke enyiñ mmọ isin ke Ñwed uwem ke mkpọdiọhọ ikañ, Eriyarare 20:14, 15; 21:8; Isaiah 5:14; Mark 9:44; 2 Peter 2:3.

SE EKPEPDE EBAÑA

Edikan Satan

Ke ukpep ñkpọ edem ima ikpep ibaña erikan emi ekekande udim ekọñ emi ekedahade eda ndiñwana ye Qbọñ Jesus ye mme ndimek ikọt Esie. Ima ikut nte ekemumde unam oro ye anditiñ ntiñ-nnim ikọ nsu ke ukat enyūn etop mmọ esin ke mkpọdiọhọ ikañ. Idiok odudu emi unam oro ye anditiñ ntiñ-nnim ikọ nsu ekenyenede okoto Satan ke idem esie. Ke ntre ukpep-ñkpọ nnyin mfin ọtọñọ ye ubierikpe emi osimde andidiok emi, nte odudu emi akarade ofim, akarade owo eke mimanake obufa, ọtọñọ nte owo ọkọduọ ke Iñwan Eden.

Odudu eke okponde akan eke Satan odu, ndien ke ediwak idaha se ibiọñode ñkari andidiok edi mfọn oro otode erinyaña Jesus Christ ke ini ukpọñ ke mbuotidem osimde Calvary. Jesus ọkọdọhọ ete, “Enọ Mi ofuri odudu ke enyọñ ye ke isọñ”; ndien Satan ikarake aba ke esit emi eyetde asana oto ke iyip Jesus.

Oto ke odudu Andikpon ñkan angel oto ke enyọñ osuhọre edi onyūn akan Satan ofuri-ofuri onyūn otop enye esin ke anana utit ukpe. Ebiet emi ọkpuhọre ye mkpọdiọhọ ikañ emi ekesinde unam oro ye anditiñ ntiñ-nnim ikọ nsu. Ntak edi koro anade efiak esana andidiok eyak ke tosin isua ama ebe ndien ebiet baba kiet iduhe ke Ñwed Abasi ndisọñ nte ke owo akanam ọwọrọ ke mkpọdiọhọ ikañ. Ke ñwed Eriyarare ibuot usukkiet nnyin imokot ite ke ekekubọre anana utit ukpe oro man esana ñkuku-ñkpọyọriyo emi enode odudu nte ikpeyen eyak ndinam ibak ye uduot owo ke ọfiọñ ition. Idaha emi ñkpọ ọkpuhọre, ndien ekọbi Satan ke idemesie ke utọ enyene ndik ebiet emi ke tosin isua.

Ukara Ke Tosin Isua

Idaha emi ata akwa ukpuhọre ada itie ke isọñ. Ndisana ikọt Abasi ekara nte ndidem ye mme oku enam ñkpọ ke idak Edidem mme Ndidem ye Qbọñ mme mbọñ. Ke etop eke enode esok ufok Abasi ke Thyatira Jesus ama ọdọhọ ete, “Owo eke akande, onyūn anamde mme utom Mi tutu osim utit, nyenọ enye odudu ndikara mme idut; ndien enye eyeda esañ ukwak akara mmọ” (Eriyarare 2:26, 27). Eyemen isuñi emi

ekenode ison oto idiok-nkpọ akpa ete ye eka nnyin efep, akpa-utatan eyesehe nte rose, mme idiok unam idinamke kiet eken ye owo ibak, eyemen udonọ efep ndien edinen-ido eyekara ke kpukpru ebiet.

Eriset mme akpa-mkpa abahare ke ikpehe iba, kiet edi akpa eriset ke mkpa, enye eken edi udiana mme akpatre eriset ke mkpa. Qbon Jesus odohọ ete ke eriset nduk ke uwem eyedu, eriset nduk ke ikpe eyenyun odu (John 5:29).

Akpa Eriset Ke Mkpa

Akpa eriset enefere edi eriset emi adade itie ke ikpehe ke ikpehe, ndien eda enye edomo ke editan idok ke ini ukpehe. Christ ekedi akpa ndiworo ke udi ye ikpohidem eke ubon, ndien Paul etin abana emi nte akpa mbuwum (1 Nwed Corinth 15:23).

Ata akpan idok enefere qoroqo ada ke nwed Eriyarare ibuat 4 ye 5 emi John okokutde nte eberede usun Heaven onyun okut akwa udim owo emi etode kpukpru oruk usem ye idut ekwode ikwo uworo-ufin. Emi asana ekekem ye se Paul, isun-utom Christ ewetde ke 1 Nwed Thessalonica 4:16, 17 abana eriset mmọ emi ekekpanade ke Christ ye Ntan-ndok ikot Abasi emi esuk edude uwem.

“Koro Qbon ke Idem Esie eyeto ke Heaven osuhore ye mkpo, ye uyo archangel, ye ukorowo Abasi; ndien mmọ emi ekpanade ke Christ eyebem iso eset:

“Ndien eyemen nnyin emi idude uwem, emi isuhode edok ye mmọ ke ikpa-enyon, man isobo ye Qbon ke enyon: ntem ke nnyin ididu ye Qbon ke nsinsi-nsinsi.”

Ke emi ke ikpepde Nwed Eriyarare emi ibuat edip, nnyin itonọ ntak ikut otu efen oro edi akpatre otu ke akpa eriset. Emi edi mmọ emi ekebighide ibuat ke ntak ik-ntiense ye ke ntak Ikọ Abasi emi mikonyun ituakke ibuat ino unam oro mme mbiet esie mikonyun ibohọ idiņon esie ke okpo iso mme ke ubok mmọ. Mmọ emi edi mmọ emi ebemde iso etin ebaña ke Eriyarare 6:9-11. Mmọ emi ikabuanake ke ntan ndok ikot Abasi sia mmọ mikoduhe ke otu ata mme andikan emi ema ekesine ofuri nkpọ-ekon Abasi. Mmọ ikabuanake ke usoro ndo eyen eron emi oyohode ye ubon. Utu ke oro, ema enyik mmọ ndisono nda ke okposon akwa ukut tutu osunọ ke mkpa mmọ.

Ekan Satan Ofuri-ofuri

Ke ufan ita ke itie edikot nwed nnyin imokut ite ke eyekpohore Satan ayak ke ekpri ini ke nkpokobi esie ke tosin isua okurede. Uduot owo ke ererimbot okoro ye mmọ emi emanade ke ini ukara tosin isua eyesuk enyene unen ndimek eyenyun eno mmọ ifet ndimek ndinam nkpọ nno Abasi me ndinyene Satan nte ete ufok. Usun eke andidiok edidade ibiana ediwak owo, owo itinke ino nnyin, edi ke idak ukara esie, ibat mmọ ebiet ibat “ntan mben inyan,” esuana eyohọ ke ofuri iso ison enyun ekanare nna nti ikot Abasi ye obio emi Abasi amade ekuk. Emi ayarare ete ke esit owo eke mimanake obufa “abiaña akan kpukpru nkpọ, onyun abiara fap.” Ibohoke enam esit asana oto ke iyip Jesus, okposuk edi nte ison emi editiede nte Paradise ke tosin isua esit anam idiok ikemeke ndikop uyuhọ.

Ekikere okotim edi ndinwana ye Qbon ye ndisana ikot esie mbọ ukara, edi emi akabare osunọ ke mkpa, koro owo baba kiet ikemeke ndikut unen ke nsin-ibuat esie ye Edidem oro. Ekpri udim ikọ ifan otim anam mbuk emi anwana: “Edi ikañ oto ke enyon osuhore edita mmọ” Emum Satan ndien ke ifet enye emi isinke enye aba ke anana utit ukpe, edi etop enye esin ke mkpodiho ikañ emi asakde ye brimstone kpa ebiet emi unam oro ye etin nti-nnim ikọ nsu edude.

Ke ini Andinyaña okodude ke ererimbot, Enye ama eneme ye mbet Esie abana “nsinsi ikañ, emi ekenimde eno Satan ye mme angel esie” (Matthew 25:41). Enye edi emi, ndien emi edi akpatre ukara Satan ke ison.

Akwa Afia Ebekpo Ubierikpe

Ndo-ndo oro ekande Satan ye udim ekon esie nte akpatre, ndise okpuhore ke iso Isun-utom Christ, ndien enye okut akwa afia ebekpo ubierikpe emi enyon ye ison efehede ke iso Anditie ke esit! John ama okut ebekpo efen eke enye etinde nkpọ abana ke Eriyarare ibuat 4, etinde nkpọ otuk ini ntan ndok ndisana ikot Abasi. Ebekpo oro ama enyene akpara akande enye okuk emi adade ono edisono mme enwonọ emi edude ke ediomi; owo itinke nkpọ efen idian ebekpo emi ke ebede ubom ye nte enye afiade emi adade ono odudu ye edinen ikpe. Ke eritin mbaña akpa ebekpo ikwo ye edinọ Abasi ye Eyen-Eron, ubon okoyohọ koro emi ekedi ntono edinam emi akanade ada utip osok ndisana ikot Abasi. Edi ke enye emi ikwo baba kiet iduhe, uyo idara inyun iduhe koro emi edi edinam ubierikpe emi adade mme anam idiok okosim ke akpatre itie ukut

mmọ. Ke akpa ifet, Enye emi etiede ke ebekpo enyene saña-saña mbiet, oro edi uyama eke ebietde itiat jasper ye sardius; mi ke enyene ndik odudu emi ọyọhọde ye uteñe odu tutu enyọñ ye isọñ efeñe. Enyene ndik ndise emi anam idorenyin iduhe inọ mmọ emi ubierikpe emi odorode.

Eriset Nduk Ke Ubiom-ikpe

Eriset ada itie mi, edisuhọre emi nsinsi odudu ebede oduk ke inyañ, ke udi, ye ke obio ekpo: ndien kpukpru mmọ emi ekpañade ke ukwañ ñkpọ esọsọp eda ke iso ebekpo. Ikpọ ye ñkpri, mme andikara ye mmọ emi ekarade, mme ọfiọk-ñkpọ ye ndisime, kpukpru edu do. Nnyin ikotke ibaña afia edisine-ñkpọ, mme ndak eyop, mme anyanya ibọhọke mme anam-idiọk edida ke iso Akwa Ọbọñ ebet nsinsi nsobo mmọ. Udim-udim owo eduñ enyuñ ekpaña ke ererimbot, edi uwem emi mmọ ekedude, se mmọ ekenamde, mme ekikere ye nte esit mmọ eketiede esuk edodu ke mme Ñwed Akwa Abasi. Nte akpa fi idem ndikop nte ke akwa udim idisioroke uyo ke ini mmọ edade ke iso Abasi?

Ñwed Uwem

Ñwed efen ọwọrọ edi emi edide ñwed uwem, ñwed ukot enyiñ mmọ emi ekeyerede ke nsọñ-urua Iyip Jesus Christ. Enyene ndikubọre ñwed emi ñko, koro ediwak edu emi uwem mmọ ọkọfọnde okonyuñ edide uwem akpanikọ emi ekedude uwem enyuñ ekpañade ye ekikere ete ke mmimọ ima inam kpukpru se edinen ido oyomde edi akanam minyeneke ntak ndiyom ufak mbe ke usio-isop Andinyaña emi ekekọnde ke krọs. Ediwak do emi akpan idiọk-ñkpọ mmọ edidide edisin Iyip ufak: idighe nte mmọ ekedi mme ata anam-idiọk me ekenam mme enyene ndik edinam, edi koro mmọ ekesinde utọ akwa erinyaña emi. Edieke enyiñ owo ekededi miduhe ke edisana ñwed ukot enyiñ emi, yak enye odu eti uwem me edisana uwem nte ododu, uñwam iduhe inọ enye.

Enim mbet ubiere ikpe; enọ ubierikpe enyuñ enam nte ebierede usọp-usọp. Ndien emen owo ekededi eke mikewetke enyiñ esie isin ke ñwed uwem etop esin ke akwa mkpọdiọhọ ikañ. Ekot emi “udiana mkpa.” Ndusuk owo ekere ete ke “mkpa” mi ọwọrọ ndisibe mfep ke otu se idude uwem, mme ndisobo ofuri ofuri. Edi unam oro ye mme anditiñ ntiñ-nnim ikọ nsu ekedu ke mkpa oro ke tọsin isua ndien ke utit ini oro mmọ esuk edodu uwem. Ke ufañ 10 nnyin ikot ntem, “ke ebiet eke unam ye prophet nsu edude; eyenyuñ etuhọre mmọ ke uwemeyo ye ke okoneyo ke nsinsi-nsinsi.” Mark 9:47 ye 48 etiñ abaña ndimen mme anam idiọk “nduok ke hell; ke ọtọ eke ndọñ mmọ mikpaha, ikañ minyuñ inimeke.”

Akpatre Ikọ

Ke kpukpru mme enyene ndik akpanikọ emi, nso ndien ke ekeme nditiñ mbaña mmọ emi ekoide-koi, ke ema ekefiọk ema, eduk ke usuñ emi midaha ñkpọ efen idi ke mibọhọke udiana mkpa emi? Jesus etiñ ete “edisana didie ebọhọ ikpe hell?” (Matthew 23:33). Nso iditibe ye mmọ emi ema ekenyam ukpọñ mmọ enọ okuk ye inemesit ye ikpikpu ñkpọ uwem emi? Anditiñ ntiñ-nnim ikọ ama etiñ ete: “Mmọdo obio-ekpo okponde udọñ aka iso, onyuñ añañade inua esie akaha; ndien ubọñ mmọ, ye uwak mmọ, ye iwok mmọ, ye owo eke ebrede ke esit, esuhọre” (Isaiah 5:14).

O ndutuhọ eke akakde inua nditiñ, eke osimde ukpọñ anam-idiọk nte enye ọkọfọnde akwa Afia Ebekpo ubiere-ikpe man etop enye esin ke mkpọdiọhọ ikañ ke nsinsi-nsinsi! Ndutuhọ emi okpokpon aka iso nte owo etide ete ke usuñ ubọhọ ama odu ebe ke Jesus Christ ye iyip ufak Esie; edi owo kiet-kiet afiak eketi mme ini emi enye ekesinde mbọm Abasi ndien ke emi mbọm oro ebe efep ke nsinsi. Afo emi okotde ñwed emi, emi mmunyeneke erinyaña, Ikọ Abasi kofofiori “Sese, ini mfọn-ido mi; sese, usen erinyaña mi.”

MME MBUME

- 1 Nso iditibe inọ Satan ke akpatre ini?
- 2 Tiñ nsio-nsio ikpehe ke akpa eriset.
- 3 Ke idem mme anie ke udiana mkpa minyeneke odudu?
- 4 Tiñ añaña nte edidide mmem-mem ñkpọ inọ Satan ndinyene utọ akwa otu owo oro ke ema esio enye efep ke anana utit ukpe.
- 5 Tiñ se ekemedede ndikut ke Akwa Afia Ebekpo ubierikpe.
- 6 Nso udeme ke Ñwed uwem ekenyene ke ubiere-ikpe emi?
- 7 Nso ikedi utit ubierikpe emi?